

書名 杜氏通典二百卷 嘉靖十八年西樵方獻夫刊本

撰者 唐 杜佑 撰, 明 王德益、吳鵬 同校

卷 卷五十八

內容分類 史·政書·歷代通制

索書號 貴重-17

編號 B3510400

卷五十八



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本 杜氏通典二百卷 嘉靖十八年西樵方獻夫刊本](#)

[版權所有: 東京大學 東洋文化研究所](#)

[使用上的注意事項](#)

杜氏通典卷第二十五

職官七

諸卿上總論諸卿

太常卿丞奉禮郎主簿 博士 太祝 兩京郊社署

太樂署 鼓吹署 太醫署 太卜 廩犧 汾祠 太公廟等署

光祿卿丞良醞署主簿 掌醢署 太官署 珍羞署

衛尉卿丞守宮署主簿 武庫署 武器署 左右都候

宗正卿丞諸陵署主簿 太廟署 崇玄署

太僕卿丞典牧署主簿 車府署 乘黃署 諸牧監 典廄署

大理卿正司直丞評事監 獄丞

諸卿附少卿

所究研京東院學化文方東 第
三
册
4008
No.

0 1 2 3 4 5 6 7 8 9 5

杜氏通典卷第五十八

禮十八 嘉三 沿華十八

天子納妃后 册后

天子册妃嬪婦夫人

皇太子納妃 皇子 附 王附 子諾

公侯大夫士婚禮

天子納妃后 册后 附 殷

遂皇 伏犧 周 漢 後漢 五帝 魏

晉 東晉 北齊 大唐

遂皇始有夫婦之道 人皇 伏犧氏制嫁娶以儷皮為

禮五帝馭時娶妻必告父母 夏氏親迎於庭 殷於堂

周制限男女之歲定婚姻之時 媒氏云令男三十而

之時即仲 親迎於戶 何休曰後代漸文 六禮之儀始

春之月 備一曰納采用鴈謂始言采擇可不二曰問名用鴈



吉往告之也四曰納徵用束帛徵也謂婚姻禮天子
成也五曰請期用鴈娶婦日也六曰親迎用鴈天子
聘女納徵加穀珪鄭玄云納徵加於束帛賈公彥曰
穀珪靈王求婚於齊遣使稱制拜后靈王求婚於齊
也日夫婦所生若而人姑姊妹則稱先守某公之遺女
若而人則天子之命自得下達臣下之名徑自上通
故遣使稱音魯桓公八年祭音公來遂逆王后于紀祭
制拜后諸侯為天子三公者也王使魯王婚故祭公來受命
而迎女天子無外故稱王后矣春秋左氏說王者至
尊無敵無親迎之禮諸侯禮合親迎有故則使上卿
迎之也祭公迎之王后未至京師稱后知天子不行
而禮成也公子翬如齊逆女春秋說曰禮記婚義云婚
秋不譏知諸侯有故得使卿逆說曰禮記婚義云婚
禮者將合二姓之好上以事宗廟下以繼後世也故
君子重之共牢而食合盥而醑所以合體同尊而親
之成男女之別立夫婦之義而後父子親君臣正故

曰婚禮者禮之本也公羊說天子至庶人皆親迎左
氏說王者至尊無敵體之義不親迎鄭玄駁之曰文
王親迎于渭則天子親迎也天子雖尊無加於夫婦
也夫婦無別禮同一體所謂無敵豈施于此哉禮記
哀公問曰冕而親迎不已重乎孔子對曰合二姓之
好以繼先聖之後以為天地宗廟社稷之主君何謂
已重乎此言繼先聖之後為天地之主非天子則誰
乎是鄭以天子當親迎也杜元凱以為天子不親迎
按春秋祭公逆王后于紀傳曰禮也劉夏逆王后譏
卿不行皆不譏王不親行明是天子不當親迎也文
王之迎太姒身為公子迎在殷代未可據此以為天

子之禮孔子之對哀公自論魯國之法魯以周公之後得郊祀上帝故以先聖天地為言耳非說天子之禮○漢惠帝納后納采鴈璧乘馬束帛聘黃金二萬斤馬十二疋呂氏為惠帝娶魯元公主女故特優其禮平帝立王莽納女為后以固權遣宗正劉宏尚書令平晏納采太師孔光大司徒馬宮等四十九人賜皮弁素幘皮弁鹿皮幘以十五升布為衣幘素以為裳以禮雜卜筮太牢告宗廟封后父百里尊而不臣有司奏故事聘皇后黃金二萬斤為錢一萬萬莽深辭讓受四千萬而以其三千三百萬予一十勝家有詔復益二千三百萬合為三千萬莽復以其千萬分于九族貧者遣甄豐奉璽綬拜帝母

衛姬為中山孝王后四年春遣大司徒宮等奉乘輿

法駕迎皇后于安漢公第授皇后璽綬顏師古曰綬所以繫璽

登車稱警蹕取日時之便上臨延壽門入未央宮前

殿群臣就位行禮大赦天下益封安漢公地滿百里

賜迎皇后及行禮者三公以下宰執皆增秩賜金帛

各有差皇后立三月以禮見高廟尊父號曰宰衡位

在諸侯王上王莽篡立後聞劉伯升及聖公立為帝莽恐欲外示安靜徵天下淑女杜陵氏

女為皇后聘黃金二萬斤車馬奴婢雜帛珍寶以鉅萬計莽親迎於殿前兩階間成同牢禮于西堂備其

嬪御其夫人三視公嬪人九視卿美人二十七視大夫御人八十一視元士凡百二十人皆佩印綬執弓

韜月令仲春后親祠高禘乃帥嬪御天子御帶以弓韜授以弓矢于高媒之前求男子之祥莽故祈之韜

引後漢桓帝立明年有司奏太后曰春秋迎皇后于

紀在塗則稱后今大將軍異女弟應紹聖善結婚之

際有命既集桓帝為蠡吾侯梁太后徵欲與后為婚未及加禮會質帝崩后即順烈皇后女

弟宜備禮進徵幣請下三公太常按禮儀奏可于是

悉依孝惠皇帝納后故事聘黃金二萬斤納采鴈璧

乘馬束帛一如舊典周禮王者以穀珪此云璧形制雖異以玉同也乘馬四疋也雜記曰

幣一束五兩兩五尋然則每端二丈靈帝冊宋貴人為皇后天子御章

德殿軒百官陪位太尉龔使持節奉璽綬皇后北面

帝南面太尉立階下東向宗正大長秋西向宗正讀

冊文曰維建寧四年七月乙未制詔皇后之尊與帝同體共奉天地祇承宗廟母臨天下故有莘與殷

姜任毋周三代之崇蓋有內德長秋宮闕中宮曠位宋貴人垂淑媛之懿體河山之儀威容昭曜德冠後

庭群僚所咨僉曰宜哉卜之著龜卦得坤乾有司奏議宜稱綬組以毋兆人今使太尉龔使持節奉璽綬

宗正祖為副立貴人為皇后其牲踐爾位冊文畢敬遵禮典肅慎中饋無替朕命永終天祿

皇后拜稱臣妾就位太尉授璽綬中常侍長秋太僕

高鄉侯覽長跪受璽綬奏於殿前女使授婕妤長跪

受以授昭儀受長跪以帶皇后皇后伏起拜稱臣妾

畢黃門鼓吹三通鳴鼓畢群臣以次出后即位大赦

天下皇后秩比國王即位威儀赤綬玉璽也漢志乘輿黃赤

綬四采黃赤纁紺純黃質長二丈九尺九寸太子太后與乘輿同魏制天子冊后

以皮馬庭實加穀珪齊王正始四年立后甄氏其儀

不存○晉武帝咸寧二年臨軒遣太尉賈充冊立皇

后楊氏因大赦賜王公以下各有差百僚上禮納悼

太康八年有司奏大婚納徵用玄纁束帛加穀珪馬

二駟羊鴈酒米如故尚書朱整議按魏婚故事天子以皮馬為庭實加以穀珪

東晉成帝咸寧二年帝臨軒遣使持節兼太保領軍

諸葛恢兼太尉護軍孔愉六禮備物拜皇后杜氏即

日入宮帝御太極殿群臣畢賀賀非禮也王者婚禮禮無其制春秋祭公

逆皇后于紀穀梁左氏說與公羊又不同而况漢魏遺事闕畧者衆晉武惠納后江左又無儀注故成帝

將納杜后太常華恒始與博士參定其儀據杜元凱左氏傳說主婚是供其婚禮之幣而已又周靈王求

婚於齊先儒以為丘明詳錄為王者婚禮故成帝臨軒遣使稱制拜后然其儀注又不具存 康帝

建元元年納后褚氏而儀注陞者不設旄頭殿中御

史奏今迎皇后依昔成恭皇后入宮御物而儀注至

尊袞冕升殿旄頭不設昔迎恭皇后唯作青龍旂其

餘皆即御物今臨軒遣使而五牛旄旄頭畢罕並出

即用舊制今闕詔曰今所以正法服升太極者以敬

其始故備禮也今何闕所重而撤法物邪又恭后神

主入廟先帝詔後禮儀有降不宜建五牛旄旄旄既

不說五旗則旄頭畢罕易具也又詔舊制既難具於今而

備法服儀飾麤舉兼副雜器停之穆帝永和十年臺

符問六禮板文舊稱皇帝今太后臨朝當何稱博士

曹耽云公羊傳婚禮不稱主人母命諸父為主傳紀

來迎女不稱使也無辭勞乃命使者耳 太常王處之云三傳異義不可

全據今皇后臨朝稱制文告所達國之大典皆仰稟

成命非無外事也豈婚聘獨不通乎六禮板文應稱

皇太后詔處之又曰天子嫁女使同姓之國為主者以受體於皇極則有虧婚姻之敵禮至于

迎后之制必禮成而後入雖復戚屬之尊亦臣妾也
天王之后寧可先之蕃國然後入臨六宮乎是以祭
公來迎王后于紀使符又問今太后還政不復臨朝
我為媒不云為主
當何稱彪之云當稱皇帝詔升平元年將納皇后何
氏彪之正禮始更六引經傳及諸故事深曰王者之
於四海無不臣妾雖復父兄之親師友之賢皆純臣
也夫崇三綱之始定乾坤之儀安有天父之尊而稱
臣下之命以納伉儷安有臣下之卑而稱天父之名
以行大禮遠尋古禮於義不通按咸寧二年納悼皇
后時弘訓太后臨天下而無命戚屬之臣為武皇父
兄主婚之文考咸寧故事不稱父兄師友則咸康華
恒所上合於舊也謂今納后儀制一依咸寧故事從

之

華恒定六禮云宜依舊及大晉已行之制此恒猶識前事故王彪之言從咸寧山此也唯以娶婦之

家

三日不舉樂而咸康群臣賀為失其告廟六禮板禮故但依咸康上禮群臣不復賀也

文等皆彪之所定

博士荀納云凡六禮板長尺二寸以應十二月傳四寸以象四時厚

八分以象八節皆真書之納采用鴈一頭白羊一口酒

十二斛米十二斛

文曰皇帝咨前太尉參軍都鄉侯何混元資始肇經人倫爰及夫婦

以奉宗廟天地社稷謀于公卿咸以為宜率由舊典今使持節崇德衛尉領太常彪之兼宗正散騎侍郎

綜以禮納采后家答曰皇帝嘉命訪婚陋族備數采擇臣之先臣散騎侍郎准之遺女未開教訓衣履若

人欽承舊章肅奉典制前太尉參軍都鄉侯問名用鴈

羊如前文曰皇帝曰咨前某官侯何兩儀配合承天

持節某官彪之某官綜以禮問名后家答曰皇帝嘉命

使者大夫呼妻侯貞之遺玄孫先臣故蔡州刺史關內侯悼之曾孫先臣故安豐太守關內侯友之孫先

帝納后之禮納采問名納徵訖告圓丘方澤及廟是日皇帝臨軒命太尉爲使司徒副之持節詣后行宮東向奉璽綬以冊授中常侍皇后受冊於行殿使者與公卿以下皆拜有司備迎禮太尉太保受詔而行主人公服迎拜於門僕者入升自賓階東面主人升自阼階西面禮物陳於庭設席於兩楹間童子以璽書板升主人升跪受送使者拜於大門外有司先於昭陽殿兩楹間共帳爲同牢之具皇后服大嚴繡衣帶綬珮加幃音景女長御引出於畫輪四望車女侍中負璽陪乘鹵簿如大駕皇帝服袞冕出升御座皇后入門大鹵簿住門外小鹵簿入到東上閣施步障降

車席道以入昭陽殿前至席位姆去幃皇后前拜後起皇帝後拜先起升自西階詣同牢座與皇后俱座各三飯訖又各酌二爵一盃奏禮畢后興南面立皇帝御太極殿王公以下拜表謝又明日以榛栗棗修見皇太后於昭陽殿擇日群臣上禮又擇日謁廟皇帝使太尉先以太牢告而後遍見群廟○大唐皇帝納后卜日告天地臨軒命太尉爲使宗正卿爲副並如開元禮

天子冊妃嬪夫人周後漢

周制天子后立六宮三夫人九嬪二十七世婦八十

一御女以聽天下之內治

天子六寢而六宮在後六官在前所以承副施內外

之政也三夫人以下百二十人周制也三公以下百二十人夏制也以治外而六宮內政取其相應焉又三小者為次妃帝堯因焉至舜不告娶不立正妃也但立三妃而已謂之三夫人離騷所歌三夫人舜妃也夏后氏增以三三而九合十二人春秋說云天子娶十二即夏制也以虞夏及周差之則殷人又增以三九二十七合三十九人周人上法帝嚳立正妃又三九二十七人為八十一人增之合百二十人其位后也夫人也嬪也世婦也御女也五者相參定尊卑也公羊云諸侯娶一國則二國往媵之以姪娣從公羊說曰天子諸侯娶三國凡九女法地有九州是以承天之施娶三國者廣族類也恐一國有血脉相似俱無子也姪娣媵者不相妬嫉也年雖少有待年於父母之國者古者女嫁則姪娣從謂之媵○後漢獻帝建安十八年曹操進三女憲節華為夫人聘以束帛玄纁五萬疋小者待年於國留住於國待年長二十

年並拜貴人○晉武帝太始十年將聘三夫人九嬪有司奏禮皇后聘以穀珪無妾媵禮贄之制詔曰拜受可依魏氏故事於是臨軒使使持節兼太常拜三夫人兼御史中丞拜九嬪

皇太子納妃

皇子諸王東晉

附

漢齊晉北齊隋

漢制皇太子納妃奉常迎

時叔孫通定禮以太子無親迎之義皇太子以奉常

迎○晉太康中有司奏太子婚納徵用玄纁束帛嘉

璧羊馬二駟○東晉太子納婚徵禮用玉璧一獸皮

二王彪之上書曰或者虎取威猛有斑彩蔚玉象德而有溫潤珪璋亦玉之美者豹皮彩蔚以譬君子

之禮鄭氏婚物贊曰羊者祥也婚之有羊自漢未始

○宋文帝元嘉十五年四月皇太子納妃六禮文與

納后不異百官上禮其月壬戌於太極殿西堂叙宴

二宮隊主副司徒侍郎以上諸二千石在都邑者並在會又詔令小會可停伎樂時有臨川明帝太始五年有司奏按晉江左以來太子婚納徵用璧一獸皮二未詳所准今法章徽儀方將大備宜憲範經籍今皇太子婚納徵禮合用璋豹皮及熊羆皮與不下禮官詳議依經史記更正若應用者為各用一為用兩博士裴昭明按周禮納徵玄纁束帛儷皮鄭玄曰束帛以致命兩皮庭實晉納妃以獸豹皮二獸豹雖文禮所不用熊羆吉祥婚典不及珪璋之美為用各異今儲皇聘納宜准經誥兼太常丞孫詵議以為聘幣之典損益惟我今儲后崇聘禮光訓遠皮玉之美宜盡輝備禮

稱束帛儷皮則珪璋數同璧熊羆文豹各應用二傅士虞蘇音和議按儀禮直云玄纁束帛儷皮禮記郊特牲云虎豹皮與玉璧非虛作也虎豹皮居然用兩璋宜仍舊各一參議說蘇二議不異今加璋珪各一豹熊羆皮各二以蘇議為允詔可○齊武帝永明年中以婚禮奢貴勅諸王納妃上御及六宮依禮上棗栗殿修加以香澤花粉其餘衣物皆停唯公主降嫁則上遺舅姑○北齊皇太子納妃禮皇帝遣使納采有司備禮物會畢使者受詔而行主人迎於大門外禮畢會於廳事其次問名納吉並如納采禮納徵則使司徒及尚書令為使備禮物而行請期則以太常宗正

卿爲使如納采親迎則太尉爲使三日妃朝皇帝於昭陽殿又朝皇后於宣光殿擇日群臣上禮他日妃還又他日皇太子拜問皇太子及王聘禮納采問名納吉請期親迎皆用羔羊一口鴈一隻酒黍稷米麩各一斛納徵用玄三疋纁二疋束帛十疋大璋一虎皮二錦采六十疋絹二百疋羔羊四口犢二頭酒黍稷稻米麩各十斛從車百乘○隋皇太子納妃禮皇帝臨軒使者受詔而行主人俟於廟門使者執鴈主人迎拜于大門之東使者入升自西階立於楹間南面納采訖乃行問名儀事畢主人請致禮於從者禮有幣馬其次擇日納吉又擇日以玉帛乘馬納徵又

擇日告期又擇日命有司以特牲告廟冊妃皇太子將親迎皇帝臨軒醮而誡曰往迎爾相承我宗事勗帥以敬對曰謹奉詔既命羽儀而行主人几筵於廟妃服褕翟立於東房主人迎立於門外西面拜皇太子荅拜主人揖皇太子先入主人升立於阼階西面皇太子升進當房戶前北面跪奠鴈俛伏興拜降出妃父少進西面戒之母於西階上施衿結帨及門內施鑿申之出門妃升輅乘以几姆加幃皇太子乃馭輪三周馭者代之皇太子出大門乘輅羽儀還宮三日雞鳴夙興以妃朝奠笄音煩於皇帝皇帝撫之又奠笄於皇后皇后撫之席於戶牖間妃立於席西祭奠

而後出。○大唐皇太子納妃禮臨軒命使行納采問名納徵納吉請期告廟臨軒醮戒親迎同牢朝見並如開元禮

公侯大夫士婚禮周漢東晉後漢魏齊

大禮

周制婚禮下達納采用鴈達通也將合婚必先媒氏下通其言乃使納采采擇

也鴈取順陰陽往來主人筵于戶西西上右几主人

之義如有從夫之道也筵為神布席將以先祖遺體許人故受於禴廟席西上右設几神不統於人席有首尾使者玄

端至使夫家之屬若儻者出請事曰吾子有惠貺

室某也吾子女父也有惠明下達某有先人之禮使

某請納采上某婿父名女父對云某之子蠢愚又弗

能教吾子命之某不敢辭吾子主人如賓服迎于門

外再拜賓不荅拜揖入不荅拜奉使賓升西階當阿

東面阿棟也入使者致命曰敢納采主人阼階上北

面再拜授于楹間南面授于楹間明為合好其賓降

出主人降授左鴈又執鴈請問名如初禮曰某既受

命將加諸卜敢請女為誰氏某使名也誰氏謙也對

曰吾子有命且以備數而擇之某不敢辭曰某氏擯

者出請醴賓曰子為事故至於某室某有先人之禮

請醴從者言從者謙賓對曰某既得將事矣敢辭儻

者曰先人之禮敢固以請賓曰某辭不得命敢不從禮

以醴酒薦以脯醢禮畢出主人送于門外再拜納吉

用鴈如納采禮歸卜于廟得吉兆復使曰吾子有貺

命某加諸卜占曰吉使某也敢告上某婿對曰某之

子不教唯恐不堪子有吉我與在不敢辭與猶納徵

用玄纁束帛儷皮如納吉禮徵成也使者納幣以成

也雜記曰納幣一束束五兩兩五尋則每端二丈兩

兩合其卷因謂之匹猶匹偶之云玄三匹纁二匹取

三天兩地曰吾子有嘉命貺室某也某有先人之禮

儷皮束帛使某也請納徵對曰吾子順先典貺某重

禮某不敢辭敢不承命請期用鴈主人辭實許告期

如納徵禮主人辭者陽唱陰和期曰宜由夫家來也

曰吾子有賜命某既申受命矣惟是三族之不虞使

某請吉日三族謂父昆弟已昆弟子昆弟也虞度也

不億度謂卒有死喪此三族已及子皆服

周周則踰年欲及今之吉對曰某既前受命矣惟命是聽前受命

事使者曰某命某聽命于吾子上某婿對曰某固惟

命是聽使者曰某使某受命于吾子吾子不許某敢

不告期曰某日對曰某敢不敬須待使者歸反命曰

某既得將事矣敢以禮告禮所執脯主人曰聞命矣凡行

事必用昏昕賈公彥曰行此五禮皆用昕時昕早朝

往陰來之義故名爲昏日入二刻半爲昏日出二刻半爲昕親迎期日父醮子命

之曰往迎爾相承我宗事相助也宗事勗帥以敬先

妣之嗣若則有常勗勉也若猶汝也勗導以敬其爲

也子曰諾唯恐不堪不敢忘命期初昏陳三鼎於寢

門外東方北面北上設洗于阼階東南洗所以承饌

于房中醢醬二豆俎醢四豆罇于室中北墻下有禁

玄酒在西給冪加勺皆南枋墻也禁所以度無也

反罇于房戶之東無玄酒籠在南實四爵合香酒

之夫婦酌於內罇其餘酌於外罇合香破匏四爵兩

尊卑也器用陶主人爵弁纁裳緇袍乘墨車從車二

乘執燭前焉主人婿也婿為婦主爵弁而纁裳玄冕

緇衣不言衣與帶而言袍者明與袍俱用緇袍謂以

盛也他婦車亦如之有祫車同也士妻之車夫家共

者出請曰吾子命某以茲初昏使其某將請承命上某

名下某婿名茲此也將對曰某固敬具以須主人筵

于戶西西上右几筵主人女父也女次純衣纁補立于

房中南面以纁緣其衣象陰氣上補也凡婦人非常

施補之衣盛昏禮為此服耳喪大記姆纁笄宵衣在

其右姆婦人年五十無子出而不復嫁能以禮教人

宵讀為綯詩云表衣未綯綯屬姆主人玄端迎賓

於門外西面再拜賓東面答拜賓婿也主人揖入賓執

鴈從至廟門揖入三揖至于階三讓主人升西面賓

升北面當楣奠鴈再拜稽首降出婦從降自西階主

人不降送賓升奠鴈拜主人不答拜明主初女出于

毋左父西面戒之曰必有正焉若笄言如衣如

志不曰戒之敬之夙夜無違命命舅姑毋戒諸西階上

不降施衿結帨曰勉之敬之夙夜無違宮事帨佩庶

毋及門內施鞶申之以父母之命曰敬恭聽宗爾父

母之言夙夜無愆視諸衿鞶庶母父之妻鞶囊也女屬為謹敬也申重也宗尊也親壻御婦車授綬姆辭

不受曰未教不足與為禮也婦乘以几從者二人坐

持几相對乘以几者重慎也姆加幃乃驅御者代壻

驅行也明衣加以為行道禦者乃代壻壻乘其車先候于門外

乘之先導之也男率女女從男大婦至主人揖婦以

入及寢門揖入婦入寢門外主人升自西階媵布席

于奧夫入于室即席婦蹲西南面升自西階贊設同

牢饌卒食三醕用香主人脫服于房勝受婦脫服于

室御受姆授巾巾所以御衽於奧媵衽良席在東皆

有枕北趾夫曰良趾足跟也主人入親脫婦之纓入

從房還入室也婦人十五許嫁笄而禮之因燭出見

舅姑盥饋夙興婦沐浴纚笄宵衣以俟見昏明日之

舅姑寢門之外古者命士質明贊見婦于舅姑席於

阼階舅即席席于房外南面姑即席質平也房外婦

執笄棗栗自門入升自西階進拜奠于席笄竹器而

如今之筭也記曰笄被纁緇裏加于橋舅坐撫之與

荅拜婦還又拜還於先拜之處又拜婦降階受笄服

修升進北面拜奠于席姑坐舉以興拜授人司也贊

醴婦席于牖戶之間戶室西牖婦立于席西贊者酌醴

東南面位

加柶面枋出房席前北面婦東面拜受贊西階上北

面拜送婦又拜薦脯醢婦拜贊者荅拜婦又拜奠於

薦東北面坐取脯降出授人于門外奠於薦東升席奠之取脯降出

授人親徹且祭得禮人謂婦氏人舅姑入于室婦盥饋特豚饋者婦道既成成者

以孝舅姑共饗婦以一獻之禮饗婦姑薦舅獻爵姑獻脯醢

舅姑先降自西階婦降自阼階授之室使為歸婦俎主明代已也

于婦氏人言俎則饗禮有牲矣婦氏人丈夫送婦者使有司歸俎當以反命於丈之父母明其

禮舅饗送者以一獻之禮酌以束錦送者女家姑饗之有司

婦人送者酌以束錦婦人送者隸子弟之妻妾凡婦人相饗無降

姑饗婦人送者於房無降者以北洗筐在上○漢平帝詔光祿大夫劉歆

等雜定婚禮四輔公卿大夫博士郎吏家屬皆以禮

娶迎立輅位馬

立輅小車也位馬儷駕也新定此制也位音步幸切

○後漢鄭

衆百官六禮辭大畧同於周制而納采女家答辭末

云奉酒肉若干再拜反命其所稱前人不云吾子皆

云君六禮文皆封之先以紙封表又加以皂囊著篋

中又以皂篋衣表訖以大囊表之題檢文言謁表某

君門下某禮物凡三十種各有謁文外有贊文各一

首封如禮文篋表訖蠟封題用皂帔蓋於箱中無大

囊表題檢文言謁篋某君門下便書贊文通共在檢上

禮物按以玄纁羊鴈清酒白酒粳米稷米蒲葦卷柏嘉

禾長命縷膠漆五色絲合歡鈐九子墨金錢祿得香草

鳳凰舍利獸鴛鴦受福獸魚鹿鳥九子婦陽燧鑽言
物之衆者玄象天纁法地羊者祥也群而不黨鴈則
隨陽清酒降福白酒歡之由粳米養食稷米黍盛蒲葉
多性柔葦柔之乂卷柏屈卷附生嘉木須祿長命縷

縫衣延壽膠能合異類漆內外鮮好五色絲章采屈
伸不窮合歡鈴音聲和諧九子墨長生子孫金錢和
鳴不止祿得香草為吉祥鳳則相和受福獸體恭心慈
廉而謙鴛鴦飛止須匹鳥鳴則相和受福獸體恭心慈
魚處淵無射鹿者祿也鳥有丹為五色之榮青為色
有四德陽燧成明安身又有丹為五色之榮青為色
方始○魏制諸侯娶妃以皮馬為庭實加以大璋王
娶妃公主嫁五禮用絹百九十匹○晉太康八年有
司奏王侯婚禮玄纁束帛加璧乘馬大夫用玄纁束
帛加羊奏曰古者以皮馬庭實天子加穀珪諸侯加
之禮並諸侯婚禮納采告期親迎各帛五匹及納徵
如故馬四匹皆令夫家自備唯璋官為具足尚書朱整議
王娶妃公主嫁之禮天子諸侯以皮馬為庭實天子
加以穀珪諸侯加以大璋漢高祖制聘后黃金貳萬
斤馬十二匹聘夫人黃金五千斤馬四匹魏制娶妃
公主嫁之禮用絹一百九十一匹晉與故事用絹三

百匹詔曰公主嫁由夫氏不宜皆備物賜錢使足而已唯給璋餘如故東晉王堪六禮

辭並為贊頌儀文於板上各方書禮文婿父名媒人

正板中納采於板左方裹以阜囊白繩纏之如封章

某官某君大門下封某官甲乙白奏無官言賤子禮

版奉按承之酒羊鴈繪采錢米別版書之裹以白繪

同著按上羊則牽之豕鴈以籠盛繪以笥盛采以匱

廉音盛錢以黃絹囊盛米稱斛數酒稱器脯腊以斤數

媒人齋禮到女氏門使人執鴈主人出相對揖畢以

鴈附主人侍者媒人進主人侍者執鴈立於堂下從

者以奉案入媒人退席當主人前跪曰甲乙使某敬

薦不腆之禮按禮唯婚辭云不得稱不腆故婚記云幣必誠辭無不腆此恐王堪之說有誤

云主人跪答曰君之辱不敢辭事畢還座從者進奉
案主人前主人侍者以鴈退禮物以次進中庭主人
設酒媒人跪曰甲乙使其獻酒却再拜主人答拜還
座主人酢媒人媒不復答○齊東昏侯永元元年尚
書令徐孝嗣上議曰按昏禮實篚以四爵加以合卺
既崇尚質之禮及象判合之義三王作之而用太古
之器重夫婦之始也今雖以方摺示約而彌乖昔典
又連卺以鎖蓋出近俗復有別半燭雕費彩飭以曩
制請除金銀連鎖自餘雜器悉用埏陶堂人執燭足克
燎牢燭華侈亦宜停省奏可○梁大同五年臨城公
婚夫人於皇太子妃爲姑姪遂見之制議者互有不



同皇太子令曰纁鴈之儀既稱合於二姓酒食之會
亦有因不失親若使榛栗暇修贄饋必舉副筭編珣
盛飾斯備不應婦見之禮獨以親闕頃者敬進醢醢
已傳婦事之則而舉盤沃盥不行侯服之家是知繁
省不同質文異代臨城公夫人於妃既是姑姪宜停
省○北齊聘禮第一品以下至三品用玄三匹纁二
匹束帛十匹璧四品以下皆無璧豹皮二六品以下至從九品用鹿皮
錦采四匹二品三匹三品二匹四品雜采十匹五品十匹六品十匹絹百匹四品以下至從九品用鹿皮四十匹二品百匹三品百匹六品以下至從九品用鹿皮二十匹
羔羊一口羊二口犢二頭酒黍稷稻米
麩各四斛四品以下無犢酒黍以下俱各一斛議曰

上古人食禽獸之肉而衣其皮毛周氏尚文去質玄
衣纁裳猶用皮爲鞞所以制婚禮納徵用玄纁儷皮
克當時之所服耳秦漢以降衣服制度與三代殊乃
不合更以玄纁及皮爲禮物也又有用虎皮豹皮者
王彪之云取威猛有斑彩尤臆說也彪之當時有學
知禮者且婦人
主中饋婦道本柔順乃
云取其威猛何乃謬誤人之常情非今是古不詳古
今之異制禮數之從宜今時俗用五色信頗謂得禮
之變也或曰近代所以尚循玄纁儷皮之制男女配
合教化人倫示存古儀務重其禮安可捨棄有類去
羊荅曰玄纁及皮當時之要詳觀三代制度或公或
革不同皆貴適時並無虛事豈今百王之末畢循往

古之儀如三代制天子諸侯至庶人祭則立尸秦漢
則廢又天下列國唯事征伐志存於射建侯擇士皆
主於斯秦漢以降改制郡縣戰爭既息射藝自輕唯
祀與戎國之大事今並起復舊制乎其宗廟覲遇行
朝享禮畢諸侯皆右肉袒于廟門之東乃入門右北
面立告聽事今豈須行此禮乎賓禮甚重兩楹間有
反爵之坫築土爲之今會客豈須置坫乎又並安能
復言古道邪略舉數事餘其可知也何必納徵猶重
無用之物徒稱古禮是乖從宜之旨易曰隨時之義
其大矣哉先聖之言不敢誣也○大唐顯慶四年十
月詔天下嫁女受財三品以上之家不得過緡三百

匹四品五品不得過二百匹六品七品不得過二百
匹八品以下不得過五十匹皆克所嫁女資裝等用
其夫家不得受陪門之財李義府奏太極元年十一月左
司郎中唐紹上表曰士庶親迎之禮備諸六禮所以
承宗廟事舅姑當須昏以為期詰朝謁見往者下俚
庸鄙時有障車邀其酒食以為戲樂近日此風轉盛
上及王公乃廣奏音樂多集徒侶遮擁道路留滯淹
時邀致財物動踰萬計遂使障車禮貶過於聘財歌
舞喧譁殊非助感既虧名教又蠹風猷諸請一切禁
斷從之開元十九年四月勅於京城置禮會院屬司
農寺其什物各令所司供院在崇仁街建中元年十一

月禮儀使顏真卿等奏郡縣主見舅姑請於禮會院
過事明日早舅姑坐堂行執笄之禮具觀華燭伏以
婚禮主敬切恐非宜並請停障車下壻却扇等行禮
之久可以感恩至於聲樂切恐非禮並請禁斷相見
儀制近代設以氈帳擇地而置此乃虜禮穹廬之制
合於堂室中置帳請准禮施行俗忌今時以子午卯
酉年謂之當梁年娶婦舅姑不相見蓋禮無所據亦
請禁斷並從之其制多因周禮以三品以上五品以
上六品以下為降殺並如開元禮

杜氏通典卷第五十八終

杜氏通典卷第五十九

禮十九

嘉四
沿革十九

宗子父歿母命婚父母俱歿自命婚及支子稱

宗弟宗兄等婚議

舅姑俱歿婦廟見 公主出降 拜舅姑附

不親迎婿見外舅姑 反馬送

婚禮不賀議 附禮 婚不舉樂議

男女婚嫁年幾議 嫁娶時月議

已拜時而各有周喪迎婦遣女議

已拜時婿遭小功喪或婦遭大功喪可迎議

拜時婦三日婦輕重議